



**BOSNA I HERCEGOVINA**  
**VIJEĆE MINISTARA**  
*Generalno tajništvo*

Broj: 05-50-1472/09  
Sarajevo, 3.7.2009. godine

**BOSNA I HERCEGOVINA**  
**PARLAMENTARNA SKUPŠTINA BOSNE I HERCEGOVINE**  
**SARAJEVO**

PRIMLJENO: 03.07.2009

Organizaciona jedinica	Klasifikaciona oznaka	Redni broj	Broj priloga
01-50-1-N		52/09	

**PARLAMENTARNA SKUPŠTINA**  
**BOSNE I HERCEGOVINE**

*- Zastupnički dom -*


**SARAJEVO**

**PREDMET:** Odgovor na zastupničko pitanje – dostavlja se

Vijeće ministara Bosne i Hercegovine, na 93. sjednici održanoj 2.7.2009. godine, utvrdilo je Odgovor na zastupničko pitanje koje je Branko Dokić, zastupnik u Zastupničkom domu Parlamentarne skupštine Bosne i Hercegovine, postavio na 52. sjednici ovog doma održanoj 29.4.2009. godine.

U privitku dostavljamo Odgovor uz molbu da isti uručite zastupniku.

S poštovanjem,



**GENERALNI TAJNIK**  
*Zvonimir Kutleša*



**BOSNA I HERCEGOVINA**  
**VIJEĆE MINISTARA**

Broj: 05-50-1472/09  
Sarajevo, 2.7.2009. godine

Branko Dokić, poslanik u Predstavničkom domu Parlamentarne skupštine Bosne i Hercegovine, na 52.sjednici Predstavničkog doma, održanoj 29. aprila 2009.godine, postavio je sljedeće poslaničko pitanje :

" Šta će Savjet Ministara preduzeti da se odštetni zahtjev porodice Starovlah konačno riješi diplomatskim putem između BiH i NATO snaga?"

Na postavljeno pitanje Vijeće ministara Bosne i Hercegovine je na 93. sjednici održanoj 2. 7. 2009., utvrdilo sljedeći

**O D G O V O R**

Ministarstvu inostranih poslova Bosne i Hercegovine su, putem Ministarstva pravde BiH tokom 2007. godine, dostavljeni akti Ministarstva pravde Republike Srpske, kao i zaključak Vlade Republike Srpske, kojim se traži da se zahtjev porodice Starovlah riješi diplomatskim putem, jer svi naponi porodice Starovlah i njihovog advokata nisu dali nikakve rezultate.

Ministarstvo inostranih poslova Bosne i Hercegovine je u više navrata pokušalo da se diplomatskim putem riješi "slučaj" porodice Starovlah, te da nadležna Komisija za odštete zahtjeve, odnosno Arbitražni sud uzmu u razmatranje i riješe zahtjev porodice Starovlah.

Ministarstvo inostranih poslova je uputilo Notu broj: 08/1-4229/07, od 01.11.2007. godine kojom je upoznao Misiju EUFOR o zaključku Vlade Republike Srpske, kojim se traži da se zahtjev porodice Starovlah za naknadu štete riješi diplomatskim putem. Istom notom je zatraženo da nadležni u EUFOR-u intervenišu da Komisija za odštete zahtjeve, odnosno Arbitražni sud uzmu u rješavanje odštetni zahtjev porodice Starovlah.

Dana 27.11.2007. godine Ministarstvo inostranih poslova BiH je zaprimilo odgovor Mjesnog ureda pri njemačkoj Misiji EUFOR-a da je Nota Ministarstva prosljeđena Glavnoj bazi EUFOR-a u Butmiru- Sarajevo.

Kako je protekao duži rok, a nije bilo odgovora od strane EUFOR-a, Ministarstvo inostranih poslova BiH je uputilo Notu broj: 08-1-5268/08, od 03.04.2008. godine, kojom je podsjetilo Misiju EUFOR-a, na ranije upućenu notu i zatražilo od Misije da se interveniše da Komisija za odštetne zahtjeve i Arbitražni sud konačno uzmu u rješavanje odštetni zahtjev porodice Starovlah. Ponovo nije bilo nikakvog odgovora iz EUFOR-a.

Dana 10.10.2008. godine Ministarstvo ponovo upućuje pod oznakom "HITNO" Notu broj: 08/1-5268-1/08 Misiji EUFOR-a i podsjeća da je prošao neuobičajeno dug period od dostavljanja navedenih Nota i da do danas nije dobijen nikakav odgovor od EUFOR-a. Istom Notom je zatražena informacija da li je odštetni zahtjev porodice Starovlah prosljeđen na rješavanje Komisiji za odštetne zahtjeve, odnosno Arbitražnom sudu.

Dana 24.11.2008. godine Ministarstvo je ponovo uputilo Notu br. 08/1-5268-2/08 NATO ŠTABU u Sarajevu i insistiralo na odgovoru na ranije upućene Note, kojima je traženo da se konačno riješi pitanje naknade pričinjene štete na osnovu zahtjeva porodice Starovlah.

Dana 12.01.2009. godine u Ministarstvu inostranih poslova Bosne i Hercegovine održan je sastanak sa šefom Pravnog odjela NATO ŠTABA, gospođom Adrienne Schaffer, kojom prilikom je uručen odgovor NATO-a ŠTABA na Notu Ministarstva inostranih poslova BiH, od 24.11.2008. godine. U svom pismenom odgovoru, kao i u razgovoru ponovljena je stara argumentacija da se odštetni zahtjev porodice Starovlah odbija jer je šteta rezultat operativnih aktivnosti NATO-a i da kao takva ne može biti razmatrana od strane Komisije za odštetne zahtjeve ili Arbitražnog suda.

Ministarstvo inostranih poslova će i dalje insistirati i posredovati kod NATO ŠTABA da se porodica Starovlah pravično obešteti.